


國朝三元
題咏

漢陽葉氏藏本
咸豐六年六月
福元書室重鑄

高宗純皇帝辛丑御殿傳臚六韻



龍虎傳臚唱

是日恰戌辰

太和曉日瞰國朝經百載春榜

得三元

我朝開國百四十年以來會狀聯元及鄉試殿試兩元者已不乏人而三元尚未見昨會

試榜發第一名錢榮即鄉試解元及廷對又復舉首不特科名之盛亦規文運之隆云

文運風

雲壯清時禮樂蕃載咨申四義

昨策士以愛民勤政吏治民風學術真偽

弼教為問敷奏近千言詎止求端楷廷試對策讀卷例於佳卷中

取書寫端措者擬置前列錢榮此卷列於第四因其條對較諸卷詳切特拔第一既而開彌封視之乃知其

元也所期進讜論王曾如可繼違弼我心存

首篇



三元喜讌詩目錄卷一

七言律詩

翁方綱四首

德保四首

謝墉四首

沈初四首

吳玉綸四首

王增四首

姜晟四首

杜玉林四首

彭啓豐四首

蔣元益四首

李慶棻四首

褚廷璋四首

彭紹觀四首

錢棨四首

趙翼一首

七言古詩



趙翼一首

歌

翁方綱一首

啓

陸錫熊一首

序

翁方綱一首

跋

閔鶚元一首

卷一

記

曹秀先一首

攷

趙翼二首

翁方綱一則

高鳳臺一則

三元喜讌詩

翁方綱

百年雨露洽儒紳復旦光華照鳳麟慶際日中聞喜
讌歡騰天下讀書人扶搖九萬程薰到禮樂三千筆
有神金榜蕊珠香一片斗台直上徹星辰

御詩勉勵繼王曾倍切臣心矢戰兢甲乙科連為世
瑞百千年內幾人能一枝桂馥

恩霑獨三葉楊穿捷報仍回首江城攢燭夜蓬萊合
作五雲蒸

吳下科名盛接聯侍郎學士啟華筵狀頭未後祥逢

卷一

丑老輩彭家壽比錢

謂芝庭先生

福祿文章諸郡羨江湖

詩話後人傳湘舲不止湘靈句一曲峯青又姓錢

曙光

北闕瑞雲紅東序南宮喜氣同鐘鼓戟門槐葉雨笙
歌藝圃杏花風金書宛委香添篆碧樹珊瑚羽翺桐
分得一枝袍袖底上林春在錦函中

每科司成例分狀元花今予得

三元花銘積藏之并歌以紀

德保

聖朝雅化古無倫

文運風雲信有神兩試名先徵

國瑞三頭

親定重儒珍千霄直上詞林盛首第聯登墨藩新臚

唱歡騰

金殿下芸窗多少戴

皇仁

天章煥麗若雲蒸勗爾良臣

厚望增會狀迭傳當

景運璧奎聯耀識元燈步趨應自籤鏗行廷慶先生祖樂會狀

卷一

五

衣鉢先從泮水承錢為階平梁大司農入學第一梁孫戊辰殿元此日

九重欣故事忠誠圖報繼王曾

鄉情共慶設瓊筵喜讌文光耀

日邊媿我引年推右席是日推予年長愛他高第過隨肩去歲

會闡得汪君如洋會狀及第含毫漏永三條燭擘秀春深萬選錢

一曲湘靈名姓合風流端不讓前賢

聲價羣推玉局翁潭溪學士齋中懸玉局像甚多殆子瞻後身謝安望重

眼還同金圃少宰掄才預識三元器選士咸稱兩巨公錦

冊投來珍共襲陽春歌就和難工從茲藝苑添佳話

遠勝珊瑚海樹紅

謝壩

嘉話流傳自薦紳三元瑞邁鳳兮麟九州之內無雙
士千載以來有幾人信是科名關氣運貴從文品見
風神多情桑梓開良讌折簡頻煩練吉辰喜燕初訂
五月二十

五日以雨阻
改卜三十日

淵源家學嗣高曾小宛詩篇履薄兢錢生家世孝友
其高祖宮聲先

生以鴻博
入詞林物望詎惟崇藻采賓興要在首賢能竒才

名世光華顯

卷一

六

聖主掄元賞契仍心喜故人同此會杏林氣接桂林

蒸子與覃溪同典
己亥江南鄉試

簪裾吳會盛班聯小部梨園舞綺筵上座耆年尊洛

社主人雅意祝彭錢狀元天下之福必以多壽為亟
此會列坐尚齒尤為善頌善禱

地靈早作寰區冠鄉誼堪教志乘傳多少龍門燒尾

客親朋只費買春錢宋人謂親朋下
第者餽買春錢

鎖闈憶駐彩旌紅鏤管傳來吉夢同己亥典試江南
八月廿五夜夢

神胎子經天緯地筆翰以
孔雀翎覺後遂得元卷鵬翮將遷猶擊水驥材未

老必追風慙予鬢影霜前菊與子心期爨下桐今日

飛觴重回首江南春占五雲中

又四首

文思光被冠羣倫瑞應苞符感鬼神雲際金盤承寶
露海中鐵網獲竒珍

恩邀

御筆星辰爛戰勝詞壇壁壘新快絕提衡老宗伯遍

栽桃李徧含仁

禹門點額浪花蒸一顆遺珠彩倍增前科亦定圃先生總裁錢生業

入穀因策內小
疵易以他卷

卷一

天眼自能懸藻鑑臣心何敢負青燈寒窗辛苦揚眉
起

溫詔褒嘉拜手承士氣自今咸感奮萊羹風味薄何

曾

盛典南宮接

講筵

恩濃

香案

袞衣邊入闈前二日定圃先生散花天女無黏袂同
與予同被

日洪厓有拍肩劍燭九霄空若水鏡澄萬象小如錢
和衷竊幸蒙

嘉獎

情形以和衷

上垂問關中閱卷

嘉獎

為敬前賢畏後賢

得失何當比塞翁一空勤說與雷同文章定價歸先
正

神聖臨軒秉大公賢相風規應可繼俗書姿媚漫稱

工

御製詩詎必求端楷惟期進
謹論王曾如可繼遠矧我心存

奎光萬丈環瀛

遠詎獨金蓮照院紅

沈初

卷一

王馮科目與茲倫應北方知筆有神百卅年餘為世
瑞六千人內得儒珍案開黃帕名先折餅啖紅綾話
一新文運隆時符

景運同文絕域盡歸仁

壽考興材化已蒸今年勝事又重增榮邀

六韻

鸞回字若歷三條蟻戰燈不負平生臣願矢非常期

許

聖言承須知勲業從根本周召何嘗異閔曾

吳下簪纓特肆筵序賓列坐五雲邊傳衣幾輩誇高
足校藝當時各比肩故事桂枝曾說郗門風湘瑟久
推錢尚輸此日三元貴洵是前賢畏後賢
都市爭看走孺翁人心喜與

聖心同昔傳異代希難遇今拔羣英

鑑至公首夏追陪瞻

盛典陽春賡和仰宗工却慚學步邯鄲者吟到宵深
燭剪紅

吳玉綸

卷一

占稀天子太和春正值風雲際會辰三榜奎光聯景

曜

九重臚唱叶韶鈞蓬瀛上選標龍虎領袖羣英得鳳

麟敬繹

宸章違弼義千秋遭遇勗儒臣

吳下科名記昔曾更看拔幟奮先登文成簷下三條
燭品擬壺中一片冰

天上欣逢懸藻鏡人間纔信有元鐙新添掌故憑誰
紀考索端推鉅手能

司寇門前繫錦鞵金閭先達啓芳筵共浮酒醴陪前
輩願指鹽梅最後賢勝地重來尋綠野高詞倡出寫
華牋鈞天奏罷觴行遍百卅年來盛事傳

管絃涼樾氣融融師友淵源夙夜同千載

昌期逢勝會一時大雅屬宗工官因人重銘丹悃言
乃心聲惕素衷詎止文章堪報

國相期事業繼沂公

王增

巍科際此罕能倫暗裏提攜洵有神舉首文章邀

卷一

睿賞矢心颺對獻儒珍

九重期許風雲會萬眾歡傳姓氏新相對歛歛無一
語敢求温飽負

皇仁

憶昔重光士氣蒸

增以辛卯及第

殊恩擢第逮臣增無雙久許標魁象拔十同教讌月

燈三試恩門薪火續

增鄉會座主卷皆出總憲觀補亭師

殿試讀一家

師席棣華承

總憲師於宗伯師為從昆弟

更名符姓真兒戲夢錫

當年未是曾

有以宋沂公嫌名戲增者故解之

聞喜初筵逮尾筵城南韋杜五雲邊喜謙集姜虔香少司冠邸為當

年宛平相國舊第 東西座主聯高足先後蓬山敢比肩長夏

清尊消淺碧斜陽歸騎擁連錢一堂接武名卿尹知時

當筵首唱老詩翁潭溪前輩宗匠吟壇續韻同雌霓懸冰

窺沈令雲椒前輩臥龍水鏡拜龐公宗伯師首座在列多門下士傳燈

早愧青藍出學步方驚斧藻工更有長歌賈餘勇錦

函珍襲上林紅謂三元花

姜晟

卷一

台垣奎宿耀光新今古纔看第八人三試鼎元推異

數百年盛事際

昌辰始知冠世科名重羣服臨軒

帝鑒真珍念

宸章敦勉意虞廷為弼勗儒臣

家學宏儒克紹承修撰高祖宮聲先生拜以博學宏儒入翰林

思闕下五雲蒸文成黃卷三千字名唱丹臺十二層

湘水聲華儲

國器春風披拂領元鐙歐陽在昔猶遺憾蓬閣峯尖

未易登

玉尺掄才後與先真成萬選得青錢文章自古淵源
合勲業他時衣鉢傳喜啟芳筵仙侶集好留佳話史
臣編作人

壽考懷深澤豈為鄉閭

寵遇偏

提唱東堂宗伯公詩賡學士酒樽同羣欣雅會歌翻
雪分惠瑤編字吐虹章曲

恩榮逢此日新昌宴賀軼前風濡毫恭紀

卷一

熙朝瑞剪燭吟餘愧未工

杜玉林

久道涵濡治化淳異才間出應

昌辰三場首占巍科獨萬口爭傳盛事新紫極騰輝

馳賀表

丹墀動色獎儒珍玉杯銀甕難稱瑞專為

皇家慶得人

鑒拔臨軒異數膺唱名看奏霽雲升股肱
天廟材先蓄桃李春官價並增

奎藻誦來期遠大宮花簪出度端凝

本朝五十鰲頭客似此遭逢得未曾

赤奮馮商共紀年

修撰前兩三元馮京以皇祐己丑商輅以正統乙丑今歲又適逢辛

丑夢中兆獻筆如椽久從蕊榜魁多士合向蓬山領

眾仙疇昔遺珠聞六一須臾擊水越三千叨榮更為

鄉間喜梅里楓橋地接連

校藝曾陪數鉅公景星先睹吐光熊

餘泰與美談競

播詩篇富雅集還欣酒琰同第一科名推物望無雙

品概識羣空傳人自待應非薄報

卷一

十三

國相期矢赤衷

彭啓豐

魁斗祥光耀

紫宸龍門未許躍凡鱗千秋沂國留遺範一代淳安

有後身桃李園中誇絕豔芙蓉鏡下兆稱神江湖遠

送泥金捷茂苑春風又一新

紙帳寒窗閱寢興鎖闈高鑰更兢兢誰能抱璞工三

獻頓使張鏃徹七層樂奏鈞天重入夢坊名柱國又

傳燈

王恪第名柱國坊

長安街上喧車馬曉露初晞旭日升

天章五字韻重聯列會衣冠繞玉筵運值
古稀追項吳人傳

帝賚亞眇錢由來神感雲龍合不數名材竹箭先牖
下章縫齊舞蹈頻誇萬選屬青錢

石鼓門邊花雨紅

昌期五百後先同墨沾寶翰研朱露瑞剪金枝拂曉
風三秀靈芝輝硬礪九苞儀羽集梧桐作人

壽考真難並魚躍鳶飛總化工

蔣元益

卷一

十四

首唱鴻臚引搢紳魁三光燭正麟麟遙欣蘆荻花間
侶舊識芙蓉鏡下人萬里風雲生指顧十年磨鏃勵
精神巍哉

聖代聲華滿南斗文星拱北辰

三元在昔重王曾溫飽無求志自競前代僅傳商輅
占中唐惟說又新能須知當世高名副漫數孫家上
第仍文恪闕從今日補吳門士氣倍蒸蒸

簪裾劍佩儼珠聯華譙重開玳瑁筵一榜知名由陸
贄三頭得姓溯彭錢休徵茂苑人文應盛事蓬山史

冊傳喜起明良元化洽

彤廷萬選選青錢

蕊榜聯翩第一紅

天顏有喜福來同

宸章寵渥三霄露

文治光披八極風雲漢作人歌棧樸卷阿吉士詠梧

桐羣公酬唱成嘉會共沐

恩波浩蕩中

李慶茶

卷一

十五

人鏡芙蓉迴冠倫鰲頭高占望如神為逢

國運隆文運更愛儒珍屬世珍三接會看奎耀滿一

時爭覩日華新

熙朝盛事真希匹得士由來頌

聖仁

太和洋溢氣如蒸

金殿臚傳瑞靄增藝苑特教題綵筆芸牕咸羨課青

燈科名自昔吳中盛

綸綍於今

天上承况是家聲欽博學淵源一派溯高會

瓊林花暖敞瓊筵鸞鷲翩翩玉案邊不效呂胡矜捷
足肯教龍駱得齊肩開樽遠勝新昌宴選句平分學
士錢他日和羹資碩輔奮庸衣鉢續前賢

海甸偏多百歲翁榜頭三捷問誰同

帝廷養士真從渥仙籍掄元特秉公敷奏允覘忠孝
志安排不尚語言工來旬余幸依茲土日見文光萬
丈紅

褚廷璋

卷一

非常遭遇屬斯人物望咸歸

聖鑒真漫以科名誇盛事好將勲業赴

昌辰同門幸可依桃李

湘陰與余先後出
德定園師門下

間世驚猶

睹鳳麟最愛長筵綦鳥共光風洽處座如春

數典前朝七曜騰蓬瀛佳話此重增紀符奮若宜逢
輅志矢平生合仰曾翡翠匣舊傳貽夢筆芹宮早見試
元燈層霄發軫期公輔違弼親教

帝訓承

奕葉鴻辭啓後賢三頭聲望萬人傳遶材江左原同

藪鳴珮天邊更握荃累行定知丹候轉成名真見頂
光圓文章報

國千春業官燭先煩午夜黠

湘於方輯
通考諸書

會合爭看氣吐虹邀杯人海素心同久憑前輩留真
鑒頓使羣仙拜下風青眼詎慚推一士黑頭應許到
三公粉榆吉羽

天池耀總在

璇雷雨露中

彭紹觀

卷一

造選書升輒冠倫觀文

宸極化如神

天衢路迴騰飛轡滄海波明出異珍由後瞻前數典
遠函三為一荷

恩新地靈賡慶

時巡歲

吳郡昨年恭逢
聖駕巡幸

發輒先霑

錫類仁

己亥鄉闈是特
恩科

重熙

教澤久薰蒸吳會儒林氣倍增鼓篋黌宮占脫穎

膏鹿洞有傳燈題坊此日更端數博學原來奕世承
尺五城南喬蔭茂同官同譜溯高曾

恩榮聞喜敞珠筵爭豔臚傳霄漢邊最上錦標咸應
手無雙衣鉢孰齊肩非誇才子名仍起豈銜湘靈句

重錢

三元入泮時原名起學使
今大司農梁公為改今名

素志應超溫飽外勉

遵

聖訓繼前賢

相馬羣推矍鑠翁皋歎伯樂後先同筆花入夢徵高

第魁斗垂芒重寓公

三元今春寓長元吳會館高室
入闈館人言一夕有光上映與

卷一

己丑春陳狀元寓室
相似而為時較久

解舉鄉人歡共慶詩成哲匠敏

逾工

聖朝棧樸儲梁棟桃李長看爛漫紅

恭和翁覃溪夫子喜讌詩原韻 錢 榮

釋褐初登草莽身

彤墀拜獻際

昌辰科名敢詡追前軌姓字深慚繼後塵

聖壽古稀文治廣臚雲首唱

御題親始知浩蕩

恩波潤一夜春雷起涸鱗

淵源先後溯師承聲價龍門重李膺四座寅恭持朗
鑒廿年辛苦說寒燈文章報國期非淺道義盟心惕
未能珍重錦函題漸滿清銜都為數條冰

珂里清歌敞綺筵文昌座接五雲邊樽開綠野裴公
宅詩寄青山謝傳篇

芝庭太夫子
三以詩寄贈

當代表衣冠承大雅

一時簪佩集羣賢却思邸館榮歸騎置酒爭輸月俸

錢

累累傳經本素風青衫留滯歲華中舊邀宏獎尊前

卷一

十九

輩

榮以乙酉歲受知豐山夫子諸
生時並邀時菴師賞契最深

偏荷裁成仰鉅公

奎壁偶然徵入夢

先高祖南舉鴻博湯文正公以奎
壁凝暉題額榮辛闈入試時夢持

筆書此
四字

冰淵長此凜持躬

君恩師誼真千古翹首蓬瀛喜氣同

公讌三元錢湘舫於未堂司寇第自司寇以下
西巖松坪涵齋既堂杜村及余皆詞館也江
鄉此會頗不易得司寇出歌姬侑酒以張之
屬余賦詞記勝即席一首 趙翼

綠酒紅燈紺袖花江城此會最高華科名一代尊沂
國絲竹千年屬謝家拇陣頻催拳似雨頭街恰稱臉

如霞

女郎顧四娘乞名於湘舫湘舫贈以霞娛二字

無雙才子無雙女併作

人間盛事誇

贈三元錢湘舲

己亥解元辛丑會元狀元

趙翼

三千年桃十丈藕世間奇事乃竟有滿街爭擁看三元三元肯來訪衰朽秀才頭上三重關何限英雄老此間禹門登或浪打去神山到又風引還至於名冠多士上尤其是人生所不想偶然得一已足誇何況連壓黃金榜歐文忠王文恪兩元已在握臚唱聲中又飄落君獨連擲得梟若蒲博國手棋無第二着毋乃真天仙身騎白鳳凌雲烟三垣九閭攔不住直到玉皇香案前我聞奪標紫宸殿榮過將軍奏凱宴却嗤三箭定天山猶只了却一場戰古來惟有蘇定方手平三國皆擒王直至前明張英國三征南交渠必得君也一書生遂與二公先後相抗衡設令

國家史有別科目不知又領幾次雁塔名噫嘻乎讀書孰不望傳世千氣萬力尚難覲羨君占盡科名榮一日聲華滿天地從此不愁不千秋祇須建豎堪相

侔累朝如君十一个

唐張又新崔元翰宋孫何王曾宋庠楊真王巖叟馮京金孟宗

獻元王宗哲明高輅

事蹟半在青史留贈君一篇三元考更期

進步百尺竿上頭時

以所著三元考一篇奉贈

三元花歌

翁方綱

周官進士選俊造樂正司業師司成今甲乙科即此
制書升論秀於羣英大國三人獻三歲射宮禮樂等
有程月舫燈毬到唐宋看花紫陌爭光榮元和始噪
張三頭光化進士琅邪評袍笏祥符昉自宋金花帖
子稽咸平脊令原上錦標接龍虎榜唱知誥名前則
淳化後皇祐元獻郊與文簡京壬寅榜首得文正王
佐器早同時傾莒公沂公兩宰相科第照耀連台衡
閱四百年丑到丑宋皇祐己丑馮京後直
至明正統乙丑商輅淳安太傅

卷一

二十一

來登瀛我

朝文教邁前古百年禮樂騰光晶南宮或接芙蓉鏡
鼇頭或冠呦鹿革帖經射策咸第一獨難三試相合
并

聖人道法備聲振四庫謨典敷訓行士抱實學方特
達所以期許尤不輕今春上苑萬花氣沐浴百寶舍
粹精玉衡桃耶紅雲杏桂林之桂瓊林瓊錯采鏤金
一枝出玉堂天上香滿城天下學人合讚誦望其跂
萼葉與莖是日賤子忝司業曩倫堂讌聽筦笙回思

前秋涉江採紉襟敢詡為

國楨

聖日光華五雲照小臣不敢矜師生適逢橋門摩石
鼓分得藹翠連朱櫻錢郎東吳起寒素我詩竊比芝
庭彭願勵丹誠矢葵向更茂萋葦諧和鳴此花雖是
科名草此根早向文字萌芝草醴泉不世出鳳皇麒
麟應瑞呈直恐莒公沂公輩無此花賜詞垣賡鐫銘
貯篋拜稽首他日更酌錢郎觥

喜讌徵詩啓

陸錫熊

楓宸賜第適逢觀化之

昌期並榜騰輝迥軼奏名之常式看聯行於聞喜俠
道摩肩喚引謝於延英

臨軒動色洵屬大科之盛蔚為多士之光蓋自唐重
貴人吏部必經再放粵至宋行廷對狀元會試三場
惟鯤鵬變化之各有其時致鳧鶴短長之難齊其等
考功覆案方十哲而品第何憑講武頒題判諸科而
低昂別定雖張又新著三頭之號兼數宏辭况歐陽
修升一甲之名尙由陳請故連穿楊葉巍哉競豔夫
三元而偶現曇花遭遇每稀於千載在大夫褒然舉
首原知聲價之空羣維一人取焉拔尤必出

簡綸之特鑒屬光華之旦復正學校之風行駢五緯
之珠芒

壽寓同游化日翺三霄之鳳彩祥占宜告

卿雲果看卓犖之鴻才來應科名之上瑞湘艚修撰
家傳竹素行比瓊琚壁水升堂識山川之最秀雲和
鼓瑟兆名姓之先知領桂籍於東堂一枝先折冠蘭

文於南省萬口爭傳遂膺

特達之殊恩獨占久虛之異數染禮樂三千之字策
對

彤墀聽白臚第一之聲名宣

紫陛

拔自甲乙丙丁之次

朗照天行垂為搢紳褒博之榮懽音雷動唱同元憲
恰蒼龍躔日之時武接淳安復赤奮紀年之候

本朝鰲首五十輩青雲之發轍誰同吳郡璇魁八九

卷一

三十五

人黃甲之逢辰競羨迺有金闈之先達共邀珠履之
嘉賓宴啓鈞瓊迎曲江之歸騎座聯簪紱約蓬島之
羣仙帽側絲鞭宮花欲壓堂開畫幢彩筆先飛聆高
唱於韓蘇不數題詩雁塔遲繼聲於臺閣定當傳唱
鸞坡好續定保撫言之篇漫比弁洲盛典之述錫熊
欣陪嘉譙獲預榮觀誇獨步於儒林敢說裴家門館
勗致身於

奎藻尚期王相功名爰申樂語於瓊筵用佇賡吟於
牙管肆宜風而宜雅待流傳齊譜宮商不以頌而以

規顧平素敢求溫飽

卷一



二十六

三元喜讌詩冊序

翁方綱

乾隆四十有六年歲在辛丑

聖天子久道化成

壽考作人之慶錫福極於衆兆民毓瑞于士林厥有

三元應

昌辰而出則吳郡錢生祭也維時

帝庸作歌

風雲之壯麗

禮樂之光華騰耀呈露於

卷一

二十七

天章藻采之間猗歟盛哉于是刑部侍郎姜公翰林
侍讀學士彭公楮公偕吳郡諸公仕都下者卜期張
筵爲之賀而方綱舉酒以相屬再拜言曰粵稽甲乙
科之設自唐垂今千一百六十四年其間狀元之可
考者自武德元年孫伏伽以來三百四十有一人矣
而三元者纔八人耳若唐張又新宋楊寘其名位行
業無可稱於時其見稱者或以字或以官或以封爵
然獨王沂公宋莒公爲較著而李心傳所記宋之三
元則及沂公而不及莒公其曰青州試曰南省試曰

廷試蓋沂公之相業尤著於當時載誦於人口也禮射義曰古者天子之制諸侯歲獻貢士於天子天子試之于射宮其容體比於禮其節比於樂而中多者得與於祭鄭注曰三歲而貢士舊說大國三人次國二人小國一人也然則古之所謂選士俊士進士者既同等而進於王朝則必皆有冠其等者而其人之姓名不傳則是所重者在設教觀德而不在於榮名也唐宋以後士大夫益重科目之選而考德敦行之實或弗逮於古者何歟毋乃不求諸忠孝之大原而徒驚乎名譽也其甚者或競逐於聲利也昔楊大年見沂公所作賦而歎曰王佐才也及後爲相范文正以宰相之任推之沂公獨遜謝不自任然則其謙退敬誠之意根于器量而無弋名邀利之心蓋終身以之矣夫士以學養爲歸以質厚爲本此固讀書立身之要言非必爲中三元而後以此受之也然而所以享福祿於無窮者初不出乎此于是錢生再拜受之因彙方綱與諸公同賦喜讌之詞書此以爲序云時

夏五月三十日

喜讌詩跋

閔鶚元

國朝文教覃敷而臚傳首唱大江以南吳郡尤盛中是選者已得十八矣顧會狀聯第不乏前英自領鄉薦迄對揚

大廷並膺首選者百五十年來彙天下直省計之尚乏其人我

皇上作人雅化徧被方洲多士應運而興咸頌得人
之慶歲辛丑

廷試臨軒策士特於進呈十卷中之列第四者

卷一

二十九

嘉其條對詳切拔置第一為長洲錢名榮鄉會試皆
舉首蓋受

聖天子特達之知千載希逢之盛會也粵自唐宋已
來舉三元者祇七人而前明三百年中僅得吾浙商
文毅公輅士林久豔稱之欣際

文治光昭萬選青錢獲邀曠過於吳會宜隸江南之
名公鉅卿大張喜讌於都第也稽唐錢仲文起為吾
郡長興人殿撰初名起以同前賢易今名湘瑟江峯
不得專美於前而

天章煥爛違弼預卜於

宸衷謨猷勲業且上堪媲美於王沂國匪獨科第為
邦國光也余撫吳三年恰覲登瀛勝事更樂得而稱
道之爰綴數語於冊後時乾隆甲辰春王正月上澣
十日

三元喜讌詩後記

曹秀先

有三元然後有喜讌有喜讌然後有詩詩奚以作為
錢君湘舫而作也乾隆己亥江南鄉試榜發解元為
錢君湘舫及是辛丑會試錢君中雋得會元人咸謂
錢君之才品福命可得三元然正未敢必也洎

殿試卷封進

皇上召讀卷諸臣

指第四卷

諭曰此卷對策勝人必會元也可以冠多士矣拆視
之果錢君湘舫也于是乎錢君三元矣

卷一

三十一

天藻燦爛雲日輝煌

御製五言詩以勗之姑蘇公卿大夫之仕於京者遂
開讌會上以謝

聖主知遇之隆中以賀湘舫得大科名而相率為詩
以紀其盛共得四冊其第一冊詳著歷代三元姓氏
郡縣鄉里一一如格蓋少司成翁覃溪先生所書也
三元詩序一篇敘述往返思致深厚三元喜讌詞四
章辭旨高拔騰蹕變化皆覃溪先生所撰也覃溪者

何湘舲之鄉試座師也又三元詩四首雲蒸霞蔚氣象萬千盖大宗伯德定圃先生所撰也定圃者何湘舲之會試座師也載稽二冊有次德定圃韻者纏綿周摯盡態極妍盖少司馬沈雲椒先生所撰也雲椒者何湘舲之會試座師也有次翁覃溪韻四首又次德定圃韻四首者樹義精詳屬辭雅健環中象外美備善賅盖少宰謝金圃先生所撰也金圃者何湘舲之鄉會兩試座師也載稽三冊有用翁司業韻成四首者巧製妙思波委雲屬盖司憲吳香亭先生所撰也香亭者何湘舲之會試座師也有同翁覃溪韻成四首者清和朗潤宜雅宜風盖太史王君方川所撰也方川者何湘舲之會試房師也有同翁覃溪韻成四首者遙情勝概擷藻披芬盖少司寇杜凝臺先生所撰也凝臺者何則惟湘舲之讀卷師也有同德定圃韻成四首者器度端凝風骨清勁盖學士壺鏡瀾先生所撰也鏡瀾者何湘舲之同郡前輩也有用翁覃溪韻者堅光異彩照耀晶明盖學士褚筠心先生所撰也筠心者何湘舲之同郡前輩也又三元喜讌

詩四首徵讌會詩津津疊疊目擊神歡都成妙諦蓋少司寇姜度香先生所撰也度香者何固湘舫同鄉先達也載稽四冊三元喜讌徵詩啓一篇驅使故事別具鑪錘變化從心丹青在手蓋光祿正卿陸君耳山所撰也耳山者何湘舫會試房師王君方川之師也如是而三元喜讌之集成矣其庚子薦卷則有庶子平寬夫先生知貢舉則有少宗伯錢籜石先生讀書諸冊今秀先讀四冊詩爰式拜而記曰湘舫之先其五世祖宮聲先生以博學宏詞入翰林文章舊族今得象賢此家世根本也湘舫應童子試大司農梁瑤峰先生拔取第一其後肄業紫陽書院大司馬彭芝庭先生主講席湘舫以諸生屢試前茅大司寇胡雲坡先生甄課書院最邀賞拔此物色有自來也寒微旅館少司馬蔣時菴先生延之學幕期待非常每以第一人相許此福澤有自徵也庚子之役湘舫文已入彀俛得復失大宗伯德定圃先生大司馬周海山先生少司空胡豫堂先生及秀先同襄斯舉同為

腕惜今而獲雋則為定圃先生所獨得此科名有定數也思秀先校士江蘇歲科兩試湘舫名未首列即紫陽書院講藝時亦與湘舫無甚相知之雅今此辛丑大科充

殿試提調官充

朝考閱卷官親睹湘舫遭逢

盛世特以湘舫讀書獲報相為稱慶胡然而湘舫亦北面事余也適重余愧也頃乃復以三元喜讌詞屬余題其緣起余非惟不愧而余之喜愛倍常也易曰

卷一

三十四

謙也者致恭以存其位者也韓子云道德之歸也有日矣况其外之文乎湘舫洵可以無愧哉猗歟偉哉猗歟嘉哉自昔有唐元和元年丙戌時則有若張公又新亦越炎宋淳化三年壬辰時則有若孫公何咸平五年壬寅時則有若王公會天聖二年甲子時則有若宋公庠慶歷二年壬午時則有若楊公實皇祐元年己丑時則有若馮公京亦越有明正統十年乙丑時則有若商公輅洪惟我

大清萬年

天子古稀四十六年辛丑時則有若我錢君祭蓋湘
舩為三元第八人矣秀先是以喜而誌也秀先賦詩
諸君子較論年齒余年最長今七十有四歲陸君耳
山吾甥也王君方川吾徒也合並記之以書於冊尾

三元攷

趙翼

撫言唐大中中張又新號張三頭謂進士狀頭宏詞
敕頭京兆解頭也說儲又載唐崔元翰京兆解頭禮
部狀頭宏詞敕頭制科三等敕頭則并中四元矣宋
史列傳第七十六卷論謂宋進士自鄉舉至廷試皆
第一者王曾宋庠為名宰相馮京為名執政是宋時
中三元者共有三人然王巖叟傳以明經科鄉舉省
試廷對皆第一則亦一三元也但明經非進士科耳
至孫何傳舉進士開封府禮部俱首薦及第又得甲

卷一

五十五

科則進士科三元又有孫何矣楊寘傳舉進士京師
試國子監禮部皆第一廷試時仁宗臨軒啓封見名
喜動顏色遂擢為第一則寘亦三元也

宋史論但稱王曾等三人

而何寘二人俱不及蓋以何寘並未宦達耳按何官至知制誥掌三班院而寘傳云其友夢寘作龍首山人寘自謂龍首我四冠多士山人無祿位之稱其終於是乎已而果卒金史楊伯仁傳

孟宗獻發解第一伯仁讀其程文謂當成大名是歲

宗獻府試省試廷試皆第一時稱為孟四元蓋金時

尚多一府試也

亦見歸潛志及中州集

輟耕錄元時三元一人

王宗哲字元舉至正戊子科三元進士為湖廣憲僉

後降于賊有弔四狀元者曰四榜狀元逢此日他時
公論定難逃空令太守提三尺不見元龍用六韜元

舉何如兼善死泰不花公平李齊為高郵知府爭似

子威高李黼死世間多少偷生者黃甲由來出俊髦

陶九成云論優劣江州第一台州次之高郵又次之

憲僉不足道也則王宗哲愧此三元矣明史商輅傳

輅舉鄉試第一正統十年會試殿試皆第一終明之

世三試第一者輅一人而已然雞窻剩言記黃觀洪

武甲子南京解元辛未會試第一廷對禦戎策太祖

卷一

三十七

擢至狀元後殉建文之難亦見傳維麟明書忠節傳

則洪武中已有一人不獨商文毅也按明史黃觀傳

學洪武二十四年會試廷試皆第一而不言鄉試亦

第一又選舉志亦謂三試第一明代惟商輅一人則

觀又似止會狀兩元而非三元本朝百餘年來未有中三元者乾隆

四十六年辛丑科蘇州錢棨以己亥解元掇辛丑會

狀遂備茲盛事蓋氣運鴻朗久道化成是以靈秀呈

露蔚為上瑞於此可以覘文明之治也

歷代三元姓氏考

翁方綱

唐

憲宗元和元年丙戌

張又新字孔昭深州陸澤人官至左司郎中

宋

太宗淳化三年壬辰

孫何字漢公蔡州汝陽人官至知制誥賜金紫掌三班院

真宗咸平五年壬寅

王曾字孝先青州益都人天聖初拜中書侍郎同中書門下平章事集賢殿大學士景祐初拜

卷一

右僕射兼門下侍郎平章事集賢殿大學士封沂國公謚文正

仁宗天聖二年甲子

宋庠字公序安州安陸人居開封之雍邱皇祐中拜兵部侍郎同中書門下平章事集賢殿大

學士封莒國公改封鄭國公贈太尉兼侍中謚元獻

慶歷二年壬午

楊寘字審賢朝野雜記作審言成都人官將作監丞

皇祐元年己丑

馮京字當世鄂州江夏人官至觀文殿學士中太一宮使兼侍講拜太子少師贈司徒謚文簡

明

英宗正統十年乙丑

商

輅字宏載淳安人官至太子少保吏部尚書
謹身殿大學士加少保贈太傅謚文毅

卷一

二十九

三元姓氏考補

高鳳臺

唐

崔元翰 見說備

武翊皇 見南部新書

宋

陳堯叟 見談薈

何 渙 見談薈

金

孟宗獻 見金史

卷一

元

王宗哲 見輟耕錄

明

黃 觀 見雞窓賸言

國朝

錢 際

陳繼昌

仁宗睿皇帝庚辰御殿傳臚恭依

皇考辛丑詩韻

閭闔排仙仗金扉麗彩暎大清百八載景運兩三元
茂苑奎光掞桂林雅化蕃書香傳世德詩韻闡

先言舊相有餘慶新英進正論右文昭

聖治繼述念欽存

三元喜讌詩目錄卷二

恭和

御製御殿傳臚五言六韻詩

戴均元一首

盧蔭溥一首

黃鉞一首

英和一首

阮元一首

繼昌一首

卷二

吳信中一首

孔傳綸一首

熊常鐔一首

高鳳臺二首

陳元燾一首

陳繼昌一首

七言律詩

阮元二首

繼昌一首

孔傳綸五首

高鳳臺五首

李宗瀚四首

熊方受四首

陳元燾四首

黃鉞四首

序

孔傳綸一首

記

高鳳臺一首

恭和

御製御殿傳臚詩

戴均元

蕊榜文明盛傳臚瑞旭暎

芭符添六甲

福慶兆三元

丹陛呼趨近華縑

寵錫蕃作霖連喜氣得士捧

溫言國幹邀

卷一

四

親擢家聲協衆論馮京開粵秀桂嶺里風存

盧蔭溥

彤廷臚唱日卿喬藹朝暎起朔重

周甲連三慶得元風雲彰

治盛

雨露育材蕃鄭國胎清德江都式謹言科名期不忝
溫飽底須論叨與司衡列塞華勵實存

黃鉞

史奏卿雲見臚傳朝日暎庚辛四十載吳粵兩三元

盛事

文明協先期

錫予蕃

天章褒世德家集有名言此直

朝廷瑞非徒科目論羶書親捧出竊喜職司存

英和

瑞兆占霖雨祥光麗曉暉華縑榮

賜服仙仗肅朝元五世清芬繼

重熙壽宇蕃掄材思舊澤紀盛仰

卷二

五

天言桂海敷

文教

楓廷佇謹論承

謨宏樂育

景福萬年存

阮元

帝擅知人哲明開

丹府瞰九州傳一士

屢擢總聯元會試元魁卷十本臣本楊家真生非太

先經進呈

欽定

學蕃科名誰夢想婦稚亦歡言良冶薇垣兆繼昌父元燾官

巾閣奇聞桂嶺論

天顏知有喜射策許刊存

繼昌

門左方懸榜天東已射噉奇祥稱再遇盛事播三元

濟濟翹材冠凜凜

湛露蕃馬涼傳姓日鰲背聽人言錢氏堪遙接歐公

莫並論

君恩真似海所喜連親存

卷二

六

吳信中

掄英皆首列金榜絕朝噉慶際庚辰紀光前癸卯元

三朝科第接五葉本支蕃表瑞添佳話賡

吟繹

聖言翹材吳粵並盛事後先論一再昌

文運

勲華至教存

孔傳綸

豸衣垂雅度每自愧劉噉門下魁多士

朝中首擢元學書追米芾談易比劉蕃福澤綿家慶
褒嘉感

聖言羣仙都待領千佛底須論竒瑞人間少他年掌
故存

熊常鐔

國楨培獨秀

天語暖如暎五葉仍餘慶三番竟賀元竒材邀

賞鑒

寵賚紀便蕃人列巍科最疆誰遠傲言聲華

卷二

朝定滿賢否史應論正荷輶軒

命珠巖事采存

高鳳臺

長安金榜麗光射日暎暎瑞紀庚辰歲薪傳己巳元

繼昌癸酉發解座主為科名媿商輅姓氏識陳蕃偶
孔侍御傳綸己巳會元

得真竒士重逢豈易言千秋談盛事四海頌

於論家世章平蕩

三朝

渥澤存

西粵掄魁昂幾於夜忽瞰

壽圖開六秩邊域得三元榜可金戈繼祥徵

寶祚蕃勒巖詩早兆連柱識能言洵是階梯絕休將
領袖論盛名傳十七事業幾人存

陳元燾

虎榜題

天筆

龍樓敞曙暉

卷二

九重開六秩一再得三元名忝羣仙冠

恩延五世蕃

賜縑榮綵服褒袞仰

綸言知已欽

當宁官人俟定論報

君惟訓子啣結此心存

陳繼昌

教澤涵濡久文光耀海瞰

睿懷猶察通下學與掄元居首科名重彰身

錫賚蕃

作人賡

雅詠積慶證

文言式穀

期能似編蒲待細論

君恩薰祖訓勉副凜中存

三元賀詩

阮元

文運原因天運開一枝真自桂林來

盛朝得士三元瑞賢相傳家五世才史奏慶雲合名

字時方伯與人占佳氣說樓臺廣西貢院前大樓久

成狀元同名若從師友掄魁鼎門下門生已六回近科狀元吳

立鋪吳其濬陳沆及陳繼昌

又答王楷堂三元兆夢事用前韻

第一房中蓉鏡開薦賢我亦夢中來事緣天定必成

卷二

瑞喜入人心真是才魁首早知掄桂嶺姓名本合借

雲臺憑君入格非常事應有朱衣暗裏回

南樓誌喜為陳三元作也

繼昌

重添佳話到瀛洲兩見三元四十周德澤賢臣繇五

世科名邊微創千秋掄魁祖志傳衣鉢示夢天心愛

狀頭子夏小冠吾可哂何當珍重說南樓

喜陳生繼昌登第敬步阮芸臺夫子韻

孔傳綸

走馬千門待榜開鵲聲偏向小齋來共傳

金殿無雙士便是珠江第一才不讓馮京喧粵嶺要

看堯叟宋陳堯叟登第年亦三十上強臺邊疆大吏心先喜七字

詩迎報捷回

孔孟歐侍御以三元詩寄示兼贈哲臣殿撰所書楹

帖次韻二首答謝

高鳳臺

鄭重魚緘手自開吉祥筆墨况兼來相期學道誠身

語欵聯云誠身從不安言始學道惟治恕字難不恃經天緯地才謝少宰壩已亥

典試江南夜夢神人貽經天緯地筆韜以孔雀翎遂得錢榮卷舊貢名賢歸

卷二

北闕新添佳話到西臺眉端定露三分喜衣鉢方傳

第一回

旅邸當年壽讌開啣杯瞥見此君來宋王以外無其

品黔粵之間未易才聞道調梅原有鼎哲臣高祖為榕門相國

好邀視草共登臺科名近日龍頭勝同年龍君汝言東巡西巡兩

召試及試散館均第一殿曾羨

朝元占四回

喜陳榕門相國元孫哲臣以解元掇會狀因寄

李宗瀚

矯矯文恭五葉孫南文科第奪中原公用詔萊三頭掌

故今雙絕先生始今再見之千佛名經古幾尊

獨秀高擎天極柱一枝青出桂林村相國世居桂林之橫山村

期位業齊王宋培遠文恭堂名論謀屬相門

臚宣大宋已更名哲臣原世美家聲叶鳳鳴剛道珠

巖浮柱合又傳石刻滿城驚七千里外荒真破三百

年前識早成

聖代得人方共慶肯教溫飽負平生

剝復天心未易量祝融掃蕩亦嘉祥相第近年不戒於火重新

卷二

上界神仙府依舊平泉宰相莊人羨唐夫年始壯陳亦年三十

我懷君子澤彌長泥金漫說門楣喜余弟

臣哲白叟黃童盡若狂

熊方受

傳來春錄濟南城牕畔初看喜忽驚敢信魁元出邊

遠頗疑姓氏不分明名錄誤刻朱姓且新易榜名千秋佳話偏多

誤一代奇才本間生却倚東風笑相問倘因夢兆竟

更名

果是馮京即馬涼星明奎璧照吾鄉桂林山水甲天

下賢相聲名重四方奕葉固知能鵲起萬人爭擁看
鸞翔六旬

聖壽初開表蕊榜標奇發瑞光

五世科名慧福全

自文恭公至今以科甲起者數十人

今朝第一聽臚

傳千尋石柱應垂地五色卿雲早見天老鳳好看雛
鳳繼梅花長占百花先真成跨竈親朋羨小試三元

美擅前

君為叔父後學院皆第一

後子銘庭弟小試縣府及

歲首緘文獻壽初

正月廿六日為舊雪中翰六旬正壽

尊甫者番聞捷

樂何如黃堂分貯泥金帖

伯父現典郡

春宇兄

青簡誰疑

卷二

賀火書六一文宗原共仰

九重御筆特親除玉堂成例休忘却白刺分投賴寄

余

聞繼昌首捷南宮臚唱復忝第一紀

恩志喜兼寄勗繼昌

陳元燾

泥金帖報到黔南欲信還疑意半參入穀文章皆第

一連元科甲竟成三承

天問及臣年壯洽

聖心如夏雨甘衣染不須彈柳汁

賜來紈綺色拖藍

繼昌蒙特恩
賞藍大緞一匹

嶺西邊末逼炎方榜首連登始破荒

吾粵自國朝
定鼎以來鼎甲

自本科始當世最先開甲第

文恭有後紹書香

製傳臚御

詩有書香傳
世德之句百餘載內

重熙洽四十年中兩吉祥

恩逮祖孫延五世捐糜頂踵亦難償

共說巖中石柱還果然瑞事應名山何斯人鏡芙蓉

兆却在王門虎豹間有好子孫慚

聖諭以窮措大領仙班獨憐汝母先朝露不及生前

卷二

一解顏

祖宗貽福建雲仍福至還期器可盛好以文章勤職

業勉求實學副科名出身豈為圖溫飽得志從來戒

滿盈有子克家寬父責老懷不用日愁生

陳雪蕉中翰寄示令子哲臣登第詩四章次韻

誌賀

孔傳綸

搜索儒珍遍朔南瓊林此座問誰參吾

皇紀歲二十五奇士掄元一再三同榜交推宜首俯

羣才壓倒亦心甘門牆陡覺榮無匹知道青原出自

藍哲臣為余癸酉典
試粵西所得士

一日聲華播八方新添佳話到炎荒文章不負三頭
望名姓能留萬古香歡洽人心真覺喜光騰史筆合
稱祥書生此福超天下多少經儒願莫償
蓬萊咫尺卽仙寰一覽于今小眾山鳴

盛況逢

堯舜世策勲當在宋王間傳來邊徼珠岩兆冠盡
朝臣玉筍班颺拜

宸章欽繼述十分喜處是

卷二

天顏

十五

調鼎謨猷我亦傾馨香五世薦染盛鳳池一佛重垂
訓鰲背諸仙各讓名纔讀新詩毫彩舞待開華宴酒
樽盈錢湘舫前輩登第時吳下姜度香少司寇彭鏡
瀾褚筠心兩學士招集都中禹甲開讌賦詩今
亦當有是讌也二難從此并吳粵真令歐公畏後生

次陳雪蕉先生原韻寄賀詰嗣哲臣修撰

高鳳臺

粵西盛事繼江南化被邊疆理可參不獨桂枝高折
一居然楊葉勇穿三延英殿上

新恩重培遠堂中老境甘竒遇

聖朝垂兩度

奎章賡和寫雲藍

臚唱前辰播遠方

同年朱君榮修撰同邑人也

桂林

地本控遐荒

大廷又占魁元最炎徽都沾翰墨香六秩正逢時祝

嘏三頭總有夢呈祥

湘幹先生發解時座主夢貽巨筆今修撰房師亦夢阮制軍投

刺奏名不比尋常式

天子臨軒願亦償

卷二

十六

仙到瀛洲怕引還何圖身已歷三山久虛科目雲霄

上不朽聲名宇宙間巢閣瑞驚丹鳳品同

朝慶溢紫鸞班沂公鄭國心雖羨篤行先聞慕閔顏

修撰篤於門內之行志在一邱一壑故初名守壑

當年華讌敞京城此日曾無我篋盛錦冊尚傳吳會

事豪吟能指鉅公名

先是湘幹先生及第詩冊中自翁覃溪先生首唱作者德定圃

沈雲椒謝金圃吳香亭杜凝臺彭芝庭諸公凡十三人錢亦有詩

三朝太學花難得

及第狀元花例歸司成時覃溪先生官少司成得三元花作歌銘積而藏之

一夕平泉屨

又盈差喜而翁官共署蓬門也覺有光生

嘉慶庚辰春奉

命主試禮闈事竣示標首陳繼昌及諸進士

黃 鉞

抗顏又復忝為師慙媿文衡五度持敢望精疆誇考

閱不將虛濫負

恩私花經灌溉開逾好榜中多山東甲子癸酉順天丙子諸科及視學山西所取

士魚自深沉得乃奇幸免劉幾肆喧闐端由得失寸

心知

羽衛森嚴麗景暄

卷二

君王策士曉臨軒文章上應魁三象城闕喧傳孟四

元金孟宗獻發解第一及府試省試廷試皆第一時號孟四元今科狀元陳繼昌以癸酉科本省鄉試

第一中本科會元其童故相清芬流後裔繼昌為故試亦以第一名入學

文恭公宏 太平盛事重詞垣兩朝四十年重見好續

羣書紀

聖言乾隆辛丑科錢榮以三元及第高宗有御殿傳臚詩今上恭依元韻有書香傳世德詩韻

關先言之句真異數也

填溢都門聳眾觀聲華豈僅勵儒冠階榮紫綬金章

易報稱

君恩祖德難珍重許身如稷契從容披腹獻琅玕輝
光照我尤清切謬廁春官復考官

受舉酬知事本非得人職在貢

彤闈惟期桃李成秋實豈為桑榆絢夕暉學術要從
經籍蘊科名莫與事功違十洲總是羣仙住未必蓬
山景特希

喜讌詩序

孔傳綸

嘉慶二十有五年歲在庚辰我

國家重熙累洽

壽考作人祥和之氣溥乎遐邇爰有二元繼姑蘇錢氏而起則臨桂陳生繼昌也維時

天子賦五言詩

褒世德

獎新英

鸞迴下逮炳耀寰區於是大學士戴公均元戶部尚

書盧公蔭溥吏部尚書英公和禮部尚書黃公鉞侍

講學士吳公信中賡拜一廷傳綸及繼昌亦均依

御製韻恭和焉既而兩廣阮制府元粵西繼方伯昌

熊學政常錚陳生尊甫中翰公元燾絡繹以恭和詩

郵示阮公繼公兼有七律傳綸因和阮公詩誌喜詩

成會於越高君鳳臺書來高君素長於詩因錄詩寄

之迨高君和詩至而傳綸已有出守閩郡之

命矣粵西之續寄詩者李公宗瀚熊公方綬將出都

又得陳中翰公七律遂携入行篋舟中無事和陳君

詩比歸皆質諸高君高君得詩稱快亦和陳君四章
勸傳綸梓行傳綸思在昔乾隆辛丑錢公榮登第其
鄉試座主翁公方綱首唱七言由是各座主房考讀
卷官及同鄉先達均有所作錢公賦詩附後傳綸學
問謏陋不敢上擬前哲而門下得三元洵為不多見
之盛事姑以詩錄成一帙什襲藏之倘有續和補和
者鴻篇鉅製蔚為大觀當并付剞劂以鳴

雅化且誌

昌期翁公之職敢自任乎哉時庚辰九秋六日

魏科瑞兆記

高鳳臺

登鰲一選為天下之福故見必有兆撫言載孫偓赴廷試夢積木數百踐履往復占者謂身居眾材之上兆必吉臚唱果第一此兆之見於夢者也三峯集載李固言未第時行古柳下聞彈指聲視之有叟曰吾九烈神也已用柳汁染子衣矣未幾大魁此兆之見於事者也見於夢者不足奇鄭僑之登梯李迪之薙髭

國初劉克猷李蟠馬世俊秦大成諸狀元亦皆有夢

卷二

夢輒應其見於事者或已之自命人之厚期一吟詠間而其兆預見昔王曾之未遇也詠梅云而今未開和羹事且向百花頭上開孫僅之繼孫何也王禹偁戲之曰明年再就堯階試應被人呼小狀元紀載所述班班可考至若我

朝兩三元則實有見於夢且見於事者矣錢三元夢兆鄉試時座主謝金圃少宰夢神人授經天緯地筆一枝韜以孔雀翎遂得卷陳三元夢兆會試時房考王楷堂比部夢阮雲臺制府投刺遂得卷兩夢畧相

似事則錢三元高室入闈寓邨中夜有光熒熒燭天
或曰即魁光也又其高祖宮聲先生舉鴻博湯文正
公贈額曰奎壁凝暉見者謂不確切及三公發解額
尚高懸賀客始悟陳三元事桂林之伏波巖有石柱
下垂離地二尺許識云巖石連出狀元至是果然尤
足竒者巖勒七律一章與陳三元名字悉符合亦非
埋隱姓氏作詭詞及無稽之談者明書其刻石之時
曰正德二年又書其銜曰雲南按察司副使書其籍
貫曰郡人書其姓名曰包裕書其詩曰巖中石合狀
元徵此語分明自昔聞巢鳳山鍾王世則飛鸞峰毓
趙觀文應知奎聚開昌運會見臚傳現慶雲天子聖
神賢哲出廟廊繼步策華勛不獨三元罕見即此事
亦千古罕聞信乎其為
盛世之異兆歟孔孟歐侍御為余言之余故一一述
之時庚辰十月中旬三日



